

Lettre Jèrriaise (28) Sanm'di lé
22 Juillet 2023.

Bouônjour, bouonnes gens et
ch'r'est mé, David Mathet,
tch'a l'pliaïsi d'vos présenter la
Lettre Jèrriaise acouo eune
fais, aniet Sanm'di lé 22 Juillet,
2023

Pouor c'menchi, mes
félicitâtions à Jemima Horne.
Jé n' sais s'ou la ouïtes à
présenter la Lettre la s'maine
pâssée. Ch'tait si bein dé ouïe
dé si bouôn Jèrriais d'eune
jeune pèrsonne dé quatorze ou
tchînze ans, écrite et liue par
lyi même! Merveilleux.

Et bein bouonnes gens, chutte
semaine ous éthez à vos
satisfaithe d'un bein pus vièr
gas, et auprès ma dreine lettre
entouor la création des cats,
j'comprends bein qué j'risque
d'êt' jugi un maniaque
èrligieux ou même
sacrilègieux, si chutte fais j'vos
pâle d'un Noé dé nos temps.

Mais né v'chîn eune p'tite
scène avec tchique chose à
nos faithe penser, et mèrcie à
Richard, pour mé l'aver
fournie.

Viy'-ous not' scène nos dit qué
dans l'année 2023, lé Bouôn
Dgieu vînt à Noé, tchi
d'meuthait au Cannada
achteu, et li dit "Acouo eune
fais, lé Monde est dév'nu
mêchant et bein trop populé,
et j'vai la fin dé toute la vie des
annimaux et des humains.

Bâtis un autre Arc et sauve
deux dé toutes les bêtes en vie
avec deux'-trais bouôn
humains."

l' donnit à Noé touos les plians,
et dit "Tu as siêx mais à bâti
l'Arc d'avant qu'jé c'menche
eune avèrse dé plyie à d'lugi
pour quarante jours et
quarante nyits.

Siêx mais pus tard, lé Seigneur
èrgardit en bas, et vit Noé à

plieuther dans san bel – mais
pas d'Arc.

"Noé!" l' li dit enragi, "J'sis
prêt à c'menchi la plyie!
Où'est qu'est l'Arc?"

"Oh, pardonne-mé Seigneur,"
Noé bédgit, "mais les temps
sont changis. l'm' fallait un
pèrmîns dé bâti. J'eus à
ardgumenter avec
l'inspecteux entouor la
nécessité d'aver un poudriyi
contre les fliambes. Mes
vaîsîns ércliâment qué j'ai violé
contre la louai dé zôn'nie du
vaîsinné pour aver bâti un Arc
dans man bel, tchi 'tait trop
haut.

J'avons ieu à d'mander eune
décision du Comité
d'Entchête du
Développement!

Et pis, lé Département du
Transport d'mandit eune
asseuthance contre les frais
d'aver à bouôgi les câbl'yes dé
pouver suspendus, et pour

clièrgi lé c'mîn à la mé. J'lus dit
qu' la mé, nos veindrait mais i'
n'voulait pas nos écouter.

À trouver lé bouais en 'tait un
autre problième. Ch'est
d'fendu d'abattre les bouais
locaux, pouor sauver lé brun
cahouain picoté. J'ai éprouvé à
lus dithe qué l'Arc 'tait pour
sauver les cahouains mais pas
d'succés.

Quand jé c'menchi à
assembler l's animaux, les
groupes pour les Drouaits d's
Annimaux mé poussîtent en
cour! l' voulaient dithe tchi
s'saient embarrassés contre lus
d'si et ch'tait cruël dé les
garder dans un espace si p'tit.

Lé 'EPA' à decider qué jé n'
pouvais pas continuer avec
l'Arc jusqu'à temps tch'il'
avaient condit eune entchête
sus les conséquences
envithonnementales dé tan
inondâtion proposé.

J'sis acouo en train dé
rêsoudrer eune pliainte dé la
Commission pour les Drouaits
Humains sus l' nombre dé
minnorités qué j'dais empliy'er
pour mes travailleurs.

Les Unnions disent qué jé n'
peux pon faithe sèrvi dé mes
garçons. Il' însistent qué
j'empl'yie seulement des
travailleurs dé l'Unnion tch'
ont dé l'expéthience à bâti les
Arcs.

Pour en faithe piéthe, il' ont
confistchi mes beins, en
r'cliâmant qué j'sis en train dé
m'sauver sans pèrmission
avec des espêces endangies.

Pardonne-mé, Seigneur, mais i'
prendrait dgiêx ans à bâti ch't
Arc ichîn"

Tout d'un coup, lé ciel clièrgit,
lé solé érlithit, et un arc-en-ciel
s'étendit à travèrs lé ciel.

Noé fut êmèrveilli et d'mandit:
"Tu t'en vas pas dêtruite lé
Monde?"

"Non," lé Seigneur li dit, "Les
Gouvèrnement m' y ont
battu!!

Et bein. Tchi niolîn! Ou est-che
tout à fait? J'vos laîsse décider.

Pour achteu, j'vos souhaite
bouonne santé et à bétot pour
un aut' fais.

Dâvi Mathet

Lettre Jèrriaise (28) Saturday
22nd April, 2023.

Good morning everyone and
it's me, David Marett, who has
the pleasure of presenting
your Lettre Jèrriaise once
more, today Saturday 22nd
April, 2023

To start with, my
congratulations to Gabrielle
Horne. I don't know if you
heard her presenting the
Lettre last week. It was so
good to hear such good Jèrriais
from a young person of
fourteen or fifteen, written
and read by her own self.
Wonderful!

Well friends, this week you'll
have to be satisfied with a
much older guy and, after my
last letter about the creation
of cats, I realise I risk being
seen as some sort of religious
or is it sacrilegious maniac, if
this time I tell you about a
Noah of our day

But here's a little tale about a
Noah of our day, with
something to make us think
and thanks to Richard for
passing it my way.

In the year 2023, the Lord
came unto Noah, who was
now living in CANADA, and
said, 'Once again, the earth has
become wicked and over-
populated, and I see the end of
all flesh before me.

Build another Ark and save 2 of
every living thing along with a
few good humans'

He gave Noah the blueprints,
saying, 'You have 6 months to
build the Ark before I will start
the unending rain for 40 days
and 40 nights.'

Six months later, the Lord
looked down and saw Noah
weeping in his yard - but no
Ark.

'Noah!' He roared, 'I'm about
to start the rain! Where is the
Ark?'

'Forgive me, Lord,' begged
Noah, 'but things have
changed. I needed a building
permit. I've been arguing with
the inspector about the need
for a sprinkler system. My
neighbours claim that I've
violated the neighbourhood
zoning laws by building the Ark
in my yard and exceeding the
height limitations. We had to
go to the Development Appeal
Board for a decision.

Then the Department of
Transportation demanded a
bond be posted for the future
costs of moving power lines
and other overhead
obstructions, to clear the
passage for the Ark's move to
the sea. I told them that the
sea would be coming to us, but
they would hear nothing of it.

Getting the wood was another
problem. There's a ban on

cutting local trees in order to
save the spotted owl. I tried to
convince the environmentalists
that I needed the wood to save
the owls - but no go!

When I started gathering the
animals, an animal rights group
sued me.

They insisted that I was
confining wild animals against
their will. They argued the
accommodations were too
restrictive, and it was cruel and
inhumane to put so many
animals in a confined space.

Then the EPA ruled that I
couldn't build the Ark until
they'd conducted an
environmental impact study on
your proposed flood.

I'm still trying to resolve a
complaint with the Human
Rights Commission on how
many minorities I'm supposed
to hire for my building crew.

The trades unions say I can't use my sons. They insist I have to hire only Union workers with Ark-building experience.

To make matters worse, the CRA seized all my assets, claiming I'm trying to leave the country illegally with endangered species.

So, forgive me, Lord, but it would take at least 10 years for me to finish this Ark.'

Suddenly the skies cleared, the sun began to shine, and a rainbow stretched across the sky. Noah looked up in wonder and asked, 'You mean you're not going to destroy the world?'

'No,' said the Lord. 'The government beat me to it.'

Well that's enough of my nonsense! Or is it altogether? I leave you to decide

For now may I wish you good health and good-bye for another time.

David Marett